

## 【詩】

### 訪山林

乘興訪山林，蜿蜒一路尋。  
清風盈翠袖，綠意入羅襟。  
笑語飄山谷，歌聲漫竹林。  
思歸天色晚，不覺暮雲深。

### 雙溪隨想

雨滌山容淨，風搖水色柔。  
當年初至此，轉瞬幾經秋。  
日照雙溪上，重遊百慮休。  
花飛春欲盡，此景復何求？

### 春日二首

#### 其一

青杉烏囀伴登臨，暖日晨風四月閒。  
粉蝶翩翩相覓影，群花曳曳競開妍。

#### 其二

春雷一響上樓臺，驟雨成千落地來。  
激灩波光香草畔，鶯啼燕語促花開。

## 【文】

### 畫記

某日，父得友雅贈不知名之山水人物畫一幅。

畫中一湖，湖上，一小徑，沿此徑，山漸深，草木漸幽。旁皆松柏，曲者如蓋，直者如幢。松上有一鳥，色黑，赤冠青喙，俛而啄。湖中一舟，船頭坐二人，吹洞簫者在右，似倚歌而和之者在左。一人立於船尾，矯首昂視，如有所思。舟中尚有一人作扣舷而歌貌，另一人視端容寂，若聽水聲然。於林中小徑，相攜徜徉者有三，其中閉目者如嗅草木之芳，怡然自適，餘二人沿途賞景，左右顧盼，欣喜之情溢於形貌。

觀其山之深邃，湖之幽靜，人物之悠閒，時來入夢，何日作一湖畔客子，了此山水情障乎！